



Inatsisartut suleriaasiani § 36, imm. 1 naapertorlugu matumuuna ataani allaqqasoq Naalackersuisunut apeqquut saqqummiuppara:

Naalackersuisunut apeqquut:

Unioqqutitsilluni pioreersunik assiliillugit nioqqutissanik eqqussuineq nioqquteqartarnerlu pinngitsoortinniarlugit Naalackersuisut qanoq iliuseqarpat ?

(Inatsisartuni ilaasortaq Andreas Uldum, Demokraatit)

Tunngavilersuut:

Unioqqutitsilluni pioreersunik assiliilluni immiusseqqinneq assiliinerluunniit inummut nassaarniallaqqissumut tunngavisunik nikanarsaaneruvoq, inuup eqqarsarluarluni ilungersorluni suliaminut piginnittussanngorniartarmat nioqqutissiarluni ilumoortoq sanallugulu tuniniartarlugu. Tamanna pisarpoq pineqaraluarpataluunniit atisat, nipilersukkat, filmit, nakorsaait, isarussat seqinersiutit, pinngussat, qarasaasiap erlavii tassa suugaluartulluunniit.

Nunarsuaq tamakkerlugu eqqarsaatiginganni OECD (Aningaasarsiorneq ineriartortitsinerlu pillugit suliniaqatigiiffik) unioqqutitsilluni pioreersunik assiliilluni immiusseqqittarneq, assiliisarnerlu sukumiisunik misissuiviginikuuai, OECD-llu taggippaa, unioqqutitsilluni pioreersunik assiliilluni nioqqutissiorneq 2005-mi 200 milliarder dollarsinik iluanaarutigineqarsimassasoq. Taamaattumik unioqqutitsilluni pioreersunik assiliilluni immiusseqqittarneq assiliisarnerluunniit inuiaqatigiit aningaasarsiornerannut ajorluinnartumik kinguneqartarpoq. Tamatuma saniatigut unioqqutitsilluni pioreersunik assiliilluni immiusseqqittarneq assiliisarnerlu amerlasuutigit pinerlunnermik aqqissuussamik tunngaveqartarpoq. Pissutsik assingiingitsut taamatut unioqqutitsinissaq pilerinartunngortittarpaa soorlu paasineqarnissaq mikisuaraavoq iluanaarutissallu amerlallutik kiisalu unioqqutitsisut paasineqaraangamik sallaattuaqqamik pillarneqartarput. Atuisartut piumassuserinngisaminnik taamaasillutik pinerluttunik ikiuisarput, tamannalu siunertaaneq soorunami ajorpoq qarlinnik coorbunik akikitsunik qitornaq nassaarukkaanni.

Tamatuma saniatigut aamma arlaleriarluni uppersarsineqarpoq, unioqqutitsilluni pioreersunik assiliilluni immiusseqqinneq assiliinerluunniit peqqinnissamut ulorianaateqarsinnaasoq, unioqqutitsilluni nioqqutissiarineqartut pisortanit misissorneqarsinnaaneq ajormata kiisalu inatsisit atuuttut naapertorlugit nioqqutissat qularnaatsuunissaasa qulakkeernissaat qularnaarneqarsinnaaneq ajormat.

Ulorianaateqarsinnaasutut assersuutigalugu taaneqarsinnaapput nakorsaait pinngussallu. Soorunami nakorsaait ilumoortuunngitsut ulorianaateqanngitsoortussaangillat. Akoqartarput akuerineqanngitsunik amerlasuutigullu sunniuteqanngitsunik. Aamma nakorsaasiat ilumoortuunngitsut akoqarsinnaapput mikinaakkanik anginaakkanilluunniit.



Aamma pinngussat assilisat ulorianarsinnaapput, akoqarsinnaagamik amip sapingaanik imaluunniit sulii ulorianarnernik oqummiunneqartuussagaluarpata.

Demokraatini isumaqarpugut, qulaani taaneqareersut naapertorlugit, pingaarluinnartuusoq paaseqqissaassallugu unioqqutitsilluni pioreersunik assilillugit nioqqutissanik eqqussuineq nioqquteqartarnerlu pinngitsoortinniarlugit Naalakkersuisut qanoq iliorniarnersut. Aamma ingerlatiinnarlugu kaammattuutigerusupparput innuttaasut suleqataaqqullugit. Nioqqutissaq tusaamasaq akikipallaarpat allat upperiuminaalluni, taava qularnanngilaq unioqqutitsilluni assilisaasoq, taamaattumik siumuiguit taava pitsaanerussiaq pisiarinngiinnarukku.

Apeqquut piffissarititaasup iluani ullut naligninnaasumik suliffiit qulit qaangiutsinnagit akeqquneqarpoq.